



文選正文

山子點

二

~ 16  
2684  
3



16  
2684  
3

文選正文卷之二

賦類

吳都賦

左思

東吳王孫轍然而吟曰夫上圖景宿辯於天文者也下料物  
土析於地理者也古先帝世曾覽八紘之洪緒一六合而光  
宅翔集遐宇鳥策篆素玉牒石記焉聞梁岷有陟方之館行  
宮之基歟而吾子言蜀都之富禹同之有偉其區域美其林  
藪矜巴漢之阻則以為襲險之右徇蹲鴟之沃則以為世濟  
陽九齷齪而算固亦曲土之所歎也旁鬼而論都邑抑非大  
人之所壯觀也何則土壤不足以攝生山川不足以周衛公  
孫國之而破諸葛家之而滅茲乃喪亂之丘墟顛覆之軌轍

昭和九年  
七月三日  
購求



文選山文卷之二  
天振盪汪流雷林重淵殷動宇宙胡可勝原島嶼縣邈洲渚  
憑隆曠瞻迢遞廻眺冥蒙珍恠麗奇隙充徑路絕風雲通洪  
桃屈盤丹桂灌叢瓊枝抗莖而敷葉珊瑚幽茂而玲瓏增岡  
重阻列真之宇玉堂對雷石室相距藹藹翠幄嫋嫋素女江  
婁於是往來海童於是宴語斯寔神妙之饗象嗟難得而觀  
縷爾乃地勢坱圠卉木妖蔓遭藪爲圃值林爲苑異苓蔞藟  
夏晬冬禱方志所辯中州所羨草則藿蒟豆蔻薑藁非一江  
離之屬海苔之類綸組紫絳食葛香茅右帆水松東風扶雷  
布護皇澤蟬聯陵丘夤緣山嶽之岳幕歷江海之流扞白帶  
銜朱蕤鬱兮菴茂擘兮菲菲光色炫晃芬馥盼蠻職貢納其  
包匭離騷詠其宿莽木則楓柙豫章枿欄枸榔綿杙柁樞文

穰楨樞平仲君遷松梓古度楠榴之木相思之樹宗生高岡  
族茂幽阜擢本千尋垂蔭萬畝攢柯挈莖重葩掩葉輪菌虬  
蟠埤嶽鱗接榮色雜糅綢繆縟繡宵露霑霽旭日晡時與風  
颯颯颯瀏颯颯鳴條律暢飛音響亮蓋象琴筑并奏笙竽俱  
唱其上則有猿父哀吟獬子長嘯狄鹿猓然騰越飛超爭懸  
接垂競遊遠枝驚透沸亂半落輦散其下則有梟卒麕狼獾  
獮貍象於菟之族犀兕之黨鈎爪鋸牙自成鋒穎精若曜星  
聲若雷霆名載於山經形鏤於夏鼎其竹則篔簹林筵桂箭  
射筒柚梧有篁篔簹有叢苞筍抽節往往縈結綠葉翠莖冒  
霜停雪楠蠹森萃蒨茸蕭瑟檀欒嬋娟玉潤碧鮮梢雲無以  
踰嶰谷弗能連鸞鷲食其實鷓雉擾其間其果則丹橘餘甘

荔枝之林。檳榔無柯。椰葉無蔭。龍眼橄欖。探榘禦霜。結根比  
景之陰。列挺衡山之陽。素花斐丹。秀芳臨青。壁係紫房。鷓鴣  
南翥。而中畱孔。雀絳羽。而翔翔。山雞歸飛。而來棲。翡翠列巢。  
以重行。其琛賂。則琨瑤之阜。銅錯之根。火齊之寶。駭鷄之珍。  
頽丹明璣。金華銀樸。紫貝流黃。縹碧素玉。隱賑歲襲。雜插幽  
屏。精曜潛穎。若陟山谷。碕岸爲之。不枯。林木爲之。潤黷。隨侯  
於是鄙其夜光。宋王於是陋其結綠。其荒陬。譎詭。則有龍穴。  
內蒸雲雨。所儲陵鯉。若獸浮石。若釋雙。則比目。片則王餘。窮  
陸飲木。極沈水。居泉室。潛織而卷。綃淵客。慷慨而泣。珠開北  
戶。以向日。齊南冥於幽都。其四野。則吟嘷無數。膏腴兼倍。原  
隰殊品。宸隆異等。象耕鳥耘。此之自與。穉秀菰穗。於是乎在。

煮海爲鹽。採山鑄錢。國稅再熟之稻。鄉貢八蠶之綿。徒觀其  
郊隧之內。輿都邑之綱。紀霸王之所根柢。開國之所基址。郭  
周匝。重城結隅。通門二八。水道陸衢。所以經始。用累千祀。  
也。憲紫宮以營室。廓廣庭之漫漫。寒暑隔闔於邃宇。虹蜺廻  
帶於雲館。所以跨時煥炳。萬里也。造姑蘇之高臺。臨四遠而  
特建。帶潮汐之濬池。佩長洲之茂苑。窺東山之府。則瓌寶溢  
目。觀海陵之倉。則紅粟流衍。起寢廟於武昌。作離宮於建業。  
闡闔閭之所營。采夫差之遺法。抗神龍之華殿。施榮楯而捷  
獵。崇臨海之崔嵬。飾赤鳥之擘擘。東西膠葛。南北崢嶸。房櫳  
對橫。連閣相經。闡闔譎詭。異出奇名。左稱彎崎。右號臨圃。雕  
鏤鏤。青瑣丹楹。圖以雲氣。畫以仙靈。雖茲宅之夸麗。曾未

足以少寧思。比屋於傾宮。畢結瑤而構瓊。高闈有閼。洞門方軌。朱闕雙立。馳道如砥。樹以青槐。亘以綠水。玄蔭耽耽。清流疊疊。列寺七里。俠棟陽路。屯營櫛比。廨署棊布。橫塘查下。邑屋隆夸。長干延屬。飛甍舛互。其居則有高門鼎貴。魁岸豪傑。虞魏之昆。顧陸之裔。岐嶷繼體。老成奕世。躍馬疊跡。朱輪累轍。陳兵而歸。蘭綺內設。冠蓋雲蔭。閭閻闐噎。其隣則有任俠之靡。輕詔之客。締交翩翩。價從奕奕。出躡珠履。動以千百里。譙巷飲飛觴。舉白翹關。扛鼎抃射壺。博鄱陽。暴謔中酒。而作於是樂。只術而歡。飫無匱。都輦殷而四奧。來暨水浮陸行。方舟結駟。唱棹轉轂。昧旦永日。開市朝而普納。橫闐闐而流溢。混品物而同塵。并都鄙而爲一。士女佇眙。工賈駢坐。紵衣絺

服。雜沓從萃。輕輿按轡。以經隧。樓船舉颿。而過肆。果布輻湊。而常然。致遠流離。與珂珮。縹緲紛紜。器用萬端。金鎰磊砢。珠非闌干。桃笙象簟。鞞於筒中。蕉葛升越。弱於羅紈。澀壽樂。參交貿相競。誼譁嗶呻。芬葩蔭映。揮袖風飄。而紅塵晝昏。流汗霏霏。而中達泥濘。富中之毗。貨殖之選。乘時射利。財豐巨萬。競其區宇。則并疆兼巷。矜其宴居。則珠服玉饌。趨材悍壯。此焉比盧。捷若慶忌。勇若專諸。危冠而出。竦劍而趨。扞帶鮫函。扶榆屬鏤。藏鏹於人。去戢自閭。家有鶴膝。戶有犀渠。軍容蓄用。器械兼儲。吳鈎越棘。純鈎湛盧。戎車盈於石城。戈船掩於平湖。露往霜來。日月其除。草木節解。鳥獸脂膚。觀鷹隼。誠征夫坐組甲。建祀姑。命官帥而擁鐸。將校獵乎具區。烏滸狼臙。

夫南西屠僂耳黑齒之酋。金鄰象郡之渠。羸駭颯喬。較雪驚  
捷。先驅前途。俞騎騁路。指南司方。出車輦輦。被練鏘鏘。吳王  
乃巾玉輅。輶駟驪旗。魚須常重。光攝烏號。佩干將羽。毛揚  
雄戟。耀鉞貝。曹象弭。織文鳥章。六軍袍服。四騏龍驤。峭格周  
施。量尉昔張。單罕瑣結。良蹕連綱。法以九疑。禦以沅湘。輪軒  
蓼擾。殼騎熠煌。袒裼徒搏。拔距投右之部。猿臂駢脅。狂獫狘  
狡。鷹麟鸚視。參譚狃獫。若離若合者。相與騰躍乎莽。曩之野。  
干鹵交鋌。賜夷勃盧之旅。長殺短兵。直髮馳騁。儼佻牟竝。銜  
枚無聲。悠悠旆旌者。相與聊浪乎昧莫之垓。鉦鼓疊山。火烈  
燦林。飛燭浮煙。載霞載陰。蒞攔雷碾。崩巒弛岑。鳥不擇木。獸  
不擇音。暴虺虺。頽糜糜。驀六駁。追飛生。暉鸞。鷓射。狻。白雉

落黑鳩零。陵絕。嶮嶮。聿越。嶮嶮。蹕踰。竹栢。獠。猿。杞。柁。封。狝。苑。  
神。螭。掩。剛。鏃。潤。霜。刃。染。於是。弭。節。頓。轡。齊。鑣。駐。驂。徘徊。倘。佯。  
寓。日。幽。蔚。覽。將。帥。之。拳。勇。與。士。卒。之。抑。揚。羽。族。以。背。距。爲。刀。  
鉞。毛。羣。以。齒。肉。爲。矛。鈇。皆。體。著。而。應。卒。所以。挂。扞。而。爲。創。痛。  
衝。路。而。斷。筋。骨。莫。不。鋟。銳。挫。鉞。拉。掉。摧。藏。雖。有。石。林。之。岸。嶠。  
請。攘。臂。而。靡。之。雖。有。雄。虺。之。九。首。將。抗。足。以。趾。之。顛。覆。巢。居。  
剖。破。窟。宅。仰。攀。鷓。鷃。俯。蹴。豺。獾。剗。削。熊。羆。之。室。剗。掠。虎。豹。之。  
落。猩。猩。啼。而。就。擒。萬。萬。笑。而。被。格。屠。巴。蛇。出。象。幣。斬。鵬。翼。掩。  
廣。澤。輕。禽。狡。獸。周。章。夷。猶。狼。跋。乎。絃。中。忘。其。所以。睠。賜。失。其。  
所以。去。就。覓。禡。氣。懾。而。自。踴。跌。者。應。弦。而。飲。羽。形。僨。景。僵。者。  
累。積。而。增。益。雜。襲。錯。繆。傾。數。薄。倒。岬。岫。巖。穴。無。斫。豨。翳。蒼。無。

鷹鷂思假道於豐隆披重霄而高狩籠烏兔於日月窮飛走  
之棲宿嶰澗閱岡岵童罍罍滿效獲衆迴靶平行睨觀漁乎  
三江汎舟航於彭蠡渾萬艘而旣同弘舸連舳巨艦接艦飛  
雲蓋海制非常模疊華樓而島峙時髣髴於方壺比鷁首之  
有裕邁餘艗於往初張組帷構流蘇開軒幌鏡水區篙工楫  
師選自閩禺習御長風狎翫靈胥責千里於寸陰聊先期而  
須臾權謳唱簫籟鳴洪流響渚禽驚弋磻放稽鷓鴣虞機發  
雷鷓鴣鈎餌縱橫網罟接緒術兼詹公巧傾任父筌鮪鱉鱸  
鱮鯊鱉兩魴翼鯢鯢乘鱉鼉鼉同及共羅沈虎潛鹿馬櫛佗  
束徽鯨背中於羣犗機槍暴出而相屬雖復臨河而釣鯉無  
異射鮒於井谷結輕舟而競逐迎潮水而振緝想萍實之復

形訪靈夔於鮫人精衛銜石而遇繳文鯨夜飛而觸綸北山  
亡其翔翼西海失其游鱗雕題之士鏤身之卒比飾虬龍蛟  
螭與對簡其萃質則虬費錦繡料其虓勇則鵬悍狼戾相與  
昧潛險搜瓌奇摸螭蝟捫觜蠡剖巨蚌於回淵濯明月於漣  
漪畢天下之至異訖無索而不臻谿壑爲之一罄川瀆爲之  
中貧晒澹臺之見謀聊襲海而徇珍載漢女於後舟追晉賈  
而同塵汨乘流以砰宕翼颶風之颺颺直衝濤而上瀨常沛  
沛以悠悠汜可休而凱歸揖天吳與陽侯指包山而爲期集  
洞庭而淹留數軍實乎桂林之苑饗戎旅乎落星之樓置酒  
若淮泗積肴若山丘飛輕軒而酌綠醪方雙轡而賦珍羞飲  
烽起醺鼓震士遺倦衆懷忻幸乎館娃之宮張女樂而娛羣



臣羅金石與絲竹。若鈞天之下陳。登東歌。操南音。亂陽阿。詠  
蘇任。荆豔楚舞。吳愉越吟。翕習容裔。靡靡愔愔。若此者。與夫  
唱和之隆響。動鐘磬之鏗。聒有殷坻。頽於前曲。度難勝。皆與  
謠俗。汁協律呂。相應其奏樂也。則木石潤色。其吐哀也。則凄  
風暴興。或超延露。而駕辯。或踰淶水。而採菱。軍馬再鬣。而仰  
秣淵魚。竦鱗而上升。酣清半。八音并歡。情留良辰。征魯陽揮  
戈。而高麾。迴曜靈於太清。將轉西日。而再中齊。既往之精誠。  
昔者夏后氏朝羣臣於茲土。而執玉帛者。以萬國。蓋亦先王  
之所高會。而四方之所軌。則春秋之際。要盟之主。闔閭申其  
威。夫差窮其武。內果伍員之謀。外騁孫子之奇。勝彊楚於栢  
舉。樓勁越於會稽。關溝乎商魯。爭長於黃池。徒以江湖嶮陂。

物產殷充。繞靈未足言其固。鄭白未足語其豐。士有陷堅之  
銳。俗有節概之風。睚眦則挺劍。喑鳴則擊弓。擁之者龍騰。據  
之者虎視。麾城若振。檣舉旗若顧。指雖帶甲。一朝而元功遠  
致。雖累葉百疊。而富彊相繼。樂滑衍其方域。列仙集其土地。  
桂父練形而易色。赤須蟬蛻而附麗。中夏比焉。畢世罕見。丹  
青圖其象。珍珠貴其寶。利也舜禹游焉。沒齒而忘歸。精靈畱  
其山阿。翫其奇麗。剖判庶土。商權萬俗。國有鬱鞅。而顯敞邦  
有湫阨。而踳跼。伊茲都之函弘。傾神州而韞積。仰南斗以斟  
酌。兼二儀之優渥。由此而揆之。西蜀之於東吳。小大之相絕  
也。亦猶棘林螢曜。而與夫。尋木龍燭也。否泰之相背也。亦猶  
帝之懸解。而與夫。桎梏疏屬也。庸可共世而論。巨細同年。而

議豐確乎。暨其幽遐獨邃。寥廓閒奧。耳目之所不該。足趾之所不蹈。倜儻之極異。崛詭之殊事。藏理於終古。而未寤於前覺也。若吾子之所傳。孟浪之遺言。略舉其梗概。而未得其要妙也。

### 魏都賦

魏國先生有昧其容。乃盱衡而誥曰。昂乎交益之士。蓋音有楚夏者。土風之乖也。情有險易者。習俗之殊也。雖則生常固非自得之謂也。昔市南宜僚弄丸。而兩家之難解。聊爲吾子復翫德音。以釋二客競於辯囿也。夫太極剖判。造化權輿。體兼晝夜。理包清濁。流而爲江海。結而爲山嶽。列宿分其野。荒裔帶其隅。巖岡潭淵。限蠻隔夷。峻危之竅也。蠻陬夷落。譯導

而通者。鳥獸之氓也。正位居體者。以中夏爲喉舌。不以邊陲爲襟帶也。長世字昨者。以道德爲藩。不以襲險爲屏也。而子大夫之賢。尚弗會庶翼等威。附麗皇極。思稟正朔。樂率貢職。而徒務於詭隨。匪民宴安於絕域。榮其文身。驕其險棘。繆默語之常倫。牽膠言而踰侈飾。率離以矜然。倂偃疆而攘臂。非醇粹之方壯。謀踳駁於王義。孰愈尋靡。萍於中遠。造沐狃於棘刺。劔閣雖寮。憑之者蹶。非所以深根固蒂也。洞庭雖濬。負之者北。非所以愛人治國也。彼桑榆之末光。踰長庚之初暉。况河冀之爽塏。與江介之湫澹。故將語子以神州之略。赤縣之畿。魏都之卓犖。六合之樞機。于時運距陽九。漢網絕維。姦回內聳。兵纏紫微。翼翼京室。耽耽帝宇。巢焚原燎。變爲煨燼。

故荆棘旅庭殷殷寰內繩繩八區鋒鏑縱橫化爲戰場故康  
鹿寓城也伊洛榛曠嶠函荒蕪臨菑牢落鄆郢丘墟而是有  
魏開國之日締構之初萬邑譬焉亦猶雙麋之與子都培塿  
之與方壺也且魏土者畢昂之所應虞夏之餘人先王之桑  
梓列聖之遺塵考之四隈則八埏之中測之寒暑則霜露所  
鈞卜偃前識而賞其隆吳札聽歌而美其風雖則衰代而盛  
德形於管絃雖踰千祀而懷舊蘊於遐年爾其疆域則旁極  
齊秦結湊冀道開胷殷衛跨躡燕趙山林幽峽川澤迴繚恒  
碣礧礧於青霄河汾浩泔而皓漾南瞻淇澳則綠竹純茂北  
臨漳滏則冬夏異沼神鉅迢遞於高巒靈響時驚於四表溫  
泉沁涌而自浪華清蕩邪而難老墨井鹽池玄滋素液厥田

惟中厥壤惟白原隰昫昫墳衍斥斥或鬼壘而復陸或瀟明  
而拓落乾坤交泰而烟熅嘉祥徽顯而豫作是以兆朕振古  
萌祗疇昔藏氣讖緯闕象竹帛迥時世而淵默應期運而光  
赫暨聖武之龍飛肇受命而光宅爰初自臻言占其良謀龜  
謀筮亦旣允臧修其郭郭繕其城隍經始之制牢籠百土畫  
雍豫之居寫八都之宇鑿茅茨於陶唐察卑宮於夏禹古公  
草創而高門有閤宣王中興而築室百堵兼聖哲之軌并文  
質之狀商豐約而折中准當年而爲量思重爰摹大壯覽荀  
卿采蕭相儼拱木於林衡授全模於梓匠遐邇悅豫而子來  
工徒擬議而騁巧闡鈎繩之筌緒承二分之正要揆日晷考  
星耀建社稷作清廟築會宮以廻匝比岡隳而無坡造文昌

之廣殿極棟宇之弘規對若崇山崩起而崔嵬髣髴若玄雲舒  
蜺以高垂瓌材巨世挿塼參差粉椽複結樂櫺疊施丹梁虹  
中以竝且朱栴森布而支離綺井列疏以懸蔕華蓮重葩而  
倒披齊龍首而涌雷時梗概於滌池旅楹間列暉鑿挾椽椽  
題黼黻階階嶙峋長庭砥平鐘簾夾陳風無纖埃雨無微津  
巖巖北闕南端攸遵竦峭雙碣方駕比輪西關延秋東啓長  
春用觀羣后觀享願賓左則中朝有絕聽政作寢匪樸匪斲  
去泰去甚木無雕鏤土無締錦玄化所甄國風所稟於前則  
宣明顯陽順德崇禮重闈洞出鏘鏘濟濟珍樹猗猗奇卉萋  
萋蕙風如熏甘露如醴禁臺省中連闈對廊直事所繇典刑  
所藏藹藹列侍金螭齊光詰朝陪幄納言有章臣以柱後執

法內侍符節謁者典璽儲吏膳夫有官藥劑有司肴醑順時  
腠理則治於後則椒鶴文石永巷壺術楸梓木蘭次舍甲乙  
西南其戶成之匪日丹青炳煥特有溫室儀刑宇宙曆象賢  
聖圖以百端粹以藻詠茫茫終古此焉則鏡有虞作績茲亦  
等競右則踈圃曲池下婉高堂蘭渚莓莓石瀨湯湯弱蓂係  
實輕葉振芳奔龜躍魚有睳呂梁馳道周屈於果下延閣胤  
宇以經營飛陛方輦而徑西三臺列峙而崢嶸亢陽臺於陰  
基擬華山之削成上累棟而重雷下水室而沍冥周軒中天  
丹墀臨森增構戔戔清塵影影雲雀蹠蹠而矯首壯翼摘鏤  
於青霄雷雨窈冥而未半暎日籠光於綺寮習步頓以升降  
御春服而逍遙八極可圍於寸眸萬物可齊於一朝長途半

首豪微互經畧漏肅唱明宵有程附以蘭綺宿以禁兵司衛  
閑邪鈎陳罔驚於是崇墉濬洫嬰堞帶洙四門轍轍降厦重  
起憑太清以混成越埃瑳而資始邈邈標危亭亭峻峙臨焦  
原而弗悅誰勁捷而無猓與岡岑而永固非有期乎世祀陽  
靈停曜於其表陰祗濛霧於其裏苑以玄武陪以幽林繚垣  
開囿觀宇相臨碩果灌叢園木竦尋篁篠懷風蒲桃結陰回  
淵灌積水深兼葭贊萑蕩森丹藕凌波而的礫綠芰泛濤而  
浸潭羽翮頡頏鱗介浮沈栖者擇木雒者擇音若咆渤澥與  
姑餘常鳴鶴而在陰表清籟勒虞箴思國卹忘從禽樵蘇往  
而無忌卽鹿縱而匪禁腴腴垌野奕奕菑畝甘茶伊蠶芒種  
斯阜西門溉其前史起灌其後燈流十二同源異口蓄爲屯

雲泄爲行雨水澍稷稼陸蒔稷黍鞠鞠桑柘油油麻紵均田  
畫疇蕃廬錯列葦芋充茂桃李蔭翳家安其所而服美自悅  
邑屋相望而隔踰奕世內則街衢輻湊朱闕結隅石杠飛梁  
出控漳渠疏通溝以濱路羅青槐以蔭塗比滄浪而可濯方  
步欄而有踰習習冠蓋莘莘蒸徒斑白不提行旅讓衢設官  
分職營處署居夾之以府寺班之以里閭其府寺則位副三  
事官踰六卿太常之號大理之名厦屋一揆華屏齊榮肅肅  
階關重門再扃師尹爰止毗世作楨其閭閻則長壽吉陽永  
平思忠亦有戚里寘宮之東開出長者巷苞諸公都護之堂  
殿居綺窻輿騎朝狼躒斂其中營客館以周坊飾賓侶之所  
集瑋豐樓之閑閔起建安而首立葺精慕室房廡雜襲剗剗

文選正文  
罔撥匠斲積習廣成之傳無以儔豪街之邸不能及廓三市  
而開塵籍平遠而九達班列肆以兼羅設闕闔以襟帶濟有  
無之常偏距日中而畢會抗旗亭之巽薛後所眺之博大百  
隧穀擊連軫萬貫憑馱捶馬袖幕紛半一八方而混同極風  
采之異觀質劑平而交易刀布貿而無算財以工化賄以商  
通難得之貨此則不容器周用而長務物背窳而就攻不鬻  
邪而豫賈著馴致之醇醲白藏之藏富有無隄同賑大內控  
引世資寶帑積帶琛幣充牣關石之所和均財賦之所底慎  
燕弧盈庫而委勁冀馬填廐而駟駿至乎勅敵糾紛庶土罔  
寧聖武興言將耀威靈介胄重襲旌旗躍莖弓珧解繁矛鋌  
飄英三屬之甲纓胡之纓控弦簡發妙擬更羸齊被練而鈔

戈襲偏裝以讚列畢出征而中律執奇正以四伐頌畫精通  
目無匪制推鋒積紀鉞氣彌銳三接三捷旣晝亦月尅翦方  
命吞滅咆咻雲撒叛換席卷度劉稜威八紘荒阻率由洗兵  
海島刷馬江洲振旅鞦韆反旆悠悠凱歸同飲疏爵普疇朝  
無列印國無費畱喪亂旣弭而能宴武人歸獸而去戰蕭斧  
戢柯以柙亦虹旌攝麾以就卷斟洪範酌典憲觀所恒通其  
變上垂拱而司契下緣督而自勸道來斯貴利往則賤囹圄  
寂寥京庾流衍於是東鯁卽序西傾順軌荆南懷德朔北思  
趨縣縣迥途驟山驟水襁負費費重譯貢篚鬘首之豪錄耳  
之傑服其荒服歛衽魏闕置酒文昌高張宿設其夜未遽庭  
燎晰晰有客祁祁載華載裔岌岌冠繼纍纍游髮清酤如濟

濁醪如河。東醴流澌。溫酎躍波。豐肴衍衍。行庖皤皤。悒悒醜  
讌。酣滑無譁。延廣樂奏九成。冠韶夏。冒六英。五莖僭響起。疑  
震霆。天宇駭。地盧驚。億若大帝之所興。作二羸之所曾。聆金  
石絲竹之恒韻。匏土革木之常調。干戚羽旄之飾好。清謳微  
吟之要妙。世業之所日用。耳目之所聞覺。雜糅紛錯。兼該汜  
博。鞞轡所掌之音。韎昧任禁之曲。以娛四夷之君。以睦八荒  
之俗。旣苗旣狩。爰遊爰豫。籍田以禮動。大閱以義舉。備法駕  
理秋御。顯文武之壯觀。邁梁騶之所著。林不槎枿。澤不伐天  
斧。折以時。督網以道。德連木理。仁挺芝草。皓獸爲之育。藪丹  
魚爲之生。沼喬雲翔龍。澤馬丁阜。山圖其石。川形其實。莫黑  
匪烏。三趾而來儀。莫赤匪狐。九尾而自擾。嘉穎離合。以尊尊。

醴泉涌流而浩浩。顯禎祥以曲成。固觸物而兼造。蓋亦明靈  
之所酬酢。休徵之所偉兆。收收率土。遷善罔置。沐浴福應。宅  
心醴粹。餘糧栖畝。而弗收。頌聲載路。而洋溢。河洛開與。符命  
用出。翩翩黃鳥。銜書來訊。人謀所尊。鬼謀所秩。劉宗委馭。異  
其神器。闕玉策於金縢。案圖錄於石室。考歷數之所在。察五  
德之所沚。量寸旬。涓吉日。陟中壇。卽帝位。改正朔。易服色。繼  
絕世。修廢職。徽幟以變器械。以革顯仁。翌明藏用。玄默非言  
厚行。陶化染學。鮮投篆籀。篇章畢覲。優賢著於揚歷。匪藥形  
於親戚。本枝別幹。蕃屏皇家。勇若任城。才若東阿。抗旂則威  
發。秋霜。擢翰則華。縱春葩。英喆雄豪。佐命帝室。相兼二八。將  
猛四七。赫赫震震。開務有謚。故令斯民。覩泰階之平。可比屋

而爲一算祀有紀。天祿有終。傳業禪祚。高謝萬邦。皇恩綽矣。帝德冲矣。讓其天下。臣至公矣。榮操行之。獨得超百王之庸。庸追巨卷。領與結繩。睠畱重華。而比蹤尊盧。赫胥羲農有能。雖自以爲道。洪化以爲隆。世篤玄同。奚遽不能與之踵武。而齊其風。是故料其建國。析其法度。諮其考室。議其舉厝。復之而無斃。申之而有裕。非疏糲之士。所能精。非鄙俚之言。所能具。至於山川之倬詭。物產之魁殊。或名奇而見稱。或實異而可書。生生之所常厚。洵美之所不渝。其中則有鴛鴦交谷。虎澗龍山。掘鯉之淀。蓋節之淵。猗猗精衛。銜木償怨。常山平于鉅鹿。河間列真。非一往往出焉。昌容練色。犢配眉連。玄俗無影。木羽偶仙。琴高沈水。而不濡。時乘赤鯉。而周旋。師門使火。

以驗術。故將去而林燔。易陽壯容。衛之稚質。邯鄲躡步。趙之鳴瑟。真定之梨。故安之栗。醇酎中山。流酒千日。淇洹之筍。信都之棗。雍丘之梁。涓流之稻。錦繡襄邑。羅綺朝歌。絳纒房子。縑總清河。若此之屬。繁富夥。够非可單究。是以抑而未罄也。蓋比物以錯辭。述清都之間麗。雖選言以簡章。徒九復而遺音。覽大易與春秋。判殊隱而一致。未上林之墮。牆本前修。以作系。其軍容弗犯。信其果毅。糾華綏戎。以戴公室。元勳配管敬之績。歌鐘析邦君之肆。則魏絳之賢。有令聞也。閒居監巷。室適心遐。富仁寵義。職競弗羅。千乘爲之軼。廬諸侯爲之止。戈則千木之德。自解紛也。貴非吾尊。重土踰山。親御監門。謙謙同軒。擲秦起趙。威振八蕃。則信陵之名。若蘭芬也。英辯榮



枯能濟其厄位加將相室隙之策四海齊鋒一口所敵則張  
儀張祿亦足云也。推惟庸蜀與雒鵠同窠。句吳與鼃鼉同穴。  
一自以爲禽鳥。一自以爲魚鼈。山阜猥積而崎嶇。泉流迸集  
而映咽。隈壤濺漏而沮洳。林藪石雷而蕪穢。窮岫泄雲。日月  
恒翳。宅土炳暑。封疆障厲。蔡莽螫刺。昆蟲毒噬。漢罪流禦。秦  
餘徒芻。宵貌最陋。稟質蓬脆。巷無杆首。里罕耆耄。或黽髻而  
左言。或鏤膚而鑽髮。或明發而耀歌。或浮泳而卒歲。風俗以  
蚤慄爲媿。人物以殘害爲藝。威儀所不攝。憲章所不綴。由重  
山之束阨。因長川之裾勢。距遠關以闕闕。時高櫟而陞制。薄  
戍繇。羃無異。蛛蝥之網。弱卒瑣甲。無異。螳螂之備。與先代而  
常然。雖信險而勦絕。揆既往之前跡。卽將來之後轍。成都迄

已傾覆。建業則亦顛沛。顧非累卵於疊基焉。至觀形而懷怛。  
權假日以餘榮。比朝華而菴諷。覽麥秀與黍離。可作謠於吳。  
會先生之言未卒。吳蜀一客。矍然相顧。睒焉失所有。覲曹容。  
神藥形如。弛氣離坐。快墨而謝曰。僕黨清狂。怵迫閩濮。習蓼  
蟲之忘辛。翫進退之惟谷。非常寐而無覺。不覩皇輿之軌躅。  
過以汎剽之單惠。歷執古之醇聽。兼重性以馳繆。倘辰光而  
罔定。先生玄識深頌靡測。得聞上德之至盛。匪同憂於有聖。  
抑若春霆發響。而驚蟄飛競。潛龍浮景。而幽泉高鏡。雖星有  
風雨之好。人有異同之性。庶覲部家。與剝廬。非蘇世而居正。  
且夫寒谷豐黍。吹律以暖之也。昏情爽曙。箴規以顯之也。雖  
明珠兼寸。尺璧有盈。曜車一六。三傾五城。未若申錫典章之

為遠也。亮曰：日不雙麗，世無兩帝。天經地緯，理有大歸。安得齊給守其小辯也哉。

甘泉賦并序

揚雄

孝成帝時，客有薦雄，文似相如者。上方郊祀甘泉，泰畤汾陰，后土，以求繼嗣。召雄，待詔承明之庭。正月從上甘泉，還奏甘泉賦以風其辭曰：

惟漢十世，將郊上玄。定泰時，擁神休，尊明號，同符三皇，錄功五帝。卹胤錫羨，拓迹開統。於是乃命羣僚，歷吉日，協靈辰，星陳而大行。詔招搖與太陰兮，伏鈎陳使當兵。屬堪輿以壁壘兮，指夔魑而扶猶狂。八神奔而警蹕兮，振殷鑠而軍裝。蚩尤之倫，帶干將而秉玉戚兮，飛蒙茸而走陸梁。齊總總以樽樽

其相膠轕兮，焱駭雲迅。奮以方攘，駢羅列布，鱗以雜沓兮，傑僂參差。魚頡而鳥眈，翕赫芻霍，霧集而蒙合兮，半散照爛。粲以成章，於是乘輿迺登。夫鳳凰兮，而翳華芝之駟蒼螭兮，六素虬蠖畧蕤綏，離虜疹纏帥，爾陰閉，雪然陽開，騰清霄而軼浮景兮。夫何旛旒，邈邈之旖旎也。流星旄以電燭兮，咸翠蓋而鸞旗屯萬騎於中管兮。方玉車之千乘，聲駢隱以陸離兮。輕先疾雷而馭遺風，臨高衍之崿嶢兮。超紆譎之清澄，登椽欒而狃天門兮。馳閭闔而入凌兢，是時未臻夫甘泉也。乃望通天之繹繹，下陰潛以慘愴兮。上洪紛而相錯，直嶢嶢以造天兮。厥高慶而不可乎彌度，平原唐其壇漫兮。列新萋於林薄，攢并閭與芟藉兮。紛被麗其亡鄂，崇丘陵之駸駸兮。深溝嶽

巖而爲谷。逞逞離宮。般以相燭。兮封巒石關。迪靡乎連屬。於  
是大廈雲。瀟波詭。摧囀而成觀。仰矯首以高視。兮日暝眴而  
無見。正瀏濫以弘惝兮。指東西之漫漫。徒徊徊以徃徃兮。覓  
鬼眇眇而昏亂。據軫軒而周流兮。忽塊北而無垠。翠玉樹之  
青蔥兮。璧馬犀之璘璠。金人仡仡其承鐘。虞兮嵌巖巖其龍  
鱗。揚光曜之燎燭兮。垂景炎之所所。配帝居之懸圃兮。象秦  
壹之威神。洪臺崛其獨出兮。極北極之嶸嶸。列宿乃施於上  
榮兮。日月纒經於栝板。雷鬱律於巖窅兮。電倏忽於牆藩。鬼  
魅不能自逮兮。半長途而下顛。歷倒景而絕飛梁兮。浮蟻蠓  
而撒天。左櫬槍而右玄冥兮。前燦闕而後應門。陰西海與幽  
都兮。涌醴汨以生川。蛟龍連蜷於東厓兮。白虎敦圉乎崑崙。

覽膠流於高光兮。溶彷徨於西青。前殿崔巍兮。和氏玲瓏。抗  
浮柱之飛榱兮。神莫莫而扶傾。閭闔其寥廓兮。似紫宮之  
崢嶸。駢交錯而曼衍兮。崦嶮峗乎其相嬰。乘雲閣而上下兮。  
紛蒙籠以混成。曳紅采之流離兮。颺翠氣之宛延。襲璇室與  
傾宮兮。若登高眇遠。亡國肅乎臨淵。迴焱肆其碣駭兮。披桂  
椒而鬱移楊。香芬弗以穹窿兮。擊薄櫨而將榮。薌咲盼以棍  
批兮。聲駢隱而歷鐘。排玉戶而颺金鋪兮。發蘭蕙與芎藭。惟  
彌環其拂汨兮。稍暗暗而靚深。陰陽清濁。穆羽相和兮。若夔  
牙之調琴。般倕棄其剗剛兮。王薊投其鈎繩。雖方征僑與偃  
佺兮。猶彷彿其若夢。於是事變物化。目駭耳回。蓋天子穆然  
珍臺間館。璇題玉英。蠶蛸蠖濩之中。惟夫所以澄心清鬼。儲

精垂恩感動天地。逆釐二神者，乃搜述索偶，臯伊之徒，冠倫  
魁能，函甘棠之惠，挾東征之意，相與齊乎陽靈之宮，靡薜荔  
而爲席，兮折瓊枝以爲芳，翳清雲之流霞，兮飲若木之露英，  
集乎禮神之囿，登乎頌祇之堂，建光耀之長旂，兮昭華覆之  
威威，攀璇璣而下視，兮行遊日乎三危，陳歟車於東阬，兮肆  
玉軼而下馳，漂龍淵而還九垓，兮窺地底而上迴，風澹澹而  
扶轄，兮鸞鳳紛其銜，蕤梁弱水之滌滌，兮躡不周之逶迤，想  
西王母欣然而上壽，兮屏玉女而却宓妃，玉女亡所眺，其清  
矚兮，宓妃曾不得施其娥眉，方攬道德之精剛，兮侔神明與  
之爲資，於是欽柴宗祈，燎薰皇天，臯搖泰壹，舉洪頤樹靈旗，  
樵蒸焜土，配藜四施，東爇滄海，西燿流沙，北熿幽都，南煬丹  
崖，玄瓊解醪，秬鬯泔淡，盼饗豐融，懿懿芬芬，焱感黃龍，兮燦  
訛頽麟，選巫咸兮，叫帝闕，開天庭，兮延羣神，儼暗藹兮，降清  
壇，瑞穰穰兮，委如山，於是事畢，功弘，迴車而歸，度三巒兮，偃  
棠梨，天闕決兮，地垠開，八荒協兮，萬國諧，登長平兮，雷鼓盪  
天聲，起兮，勇士厲雲飛揚，兮雨滂沛于胥德，兮麗萬世亂日，  
崇崇圜丘，隆隱天兮，登降崩施，單墀垣兮，增宮參差，駢嗟峨  
兮，嶸嶸嶙峋，洞無厓兮，上天之綽，杳旭卉兮，聖皇穆穆，信厥  
對兮，徠祇郊，禮神所依，兮徘徊招搖，靈棲遲兮，輝光眩耀，降  
厥福兮，子子孫孫，長無極兮。

籍田賦

潘岳

伊晉之四年正月丁未，皇帝親率羣后，籍於千畝之甸，禮也。

於是乃使甸師清畿野廬掃路封人墳宮掌舍設柩青壇蔚  
其嶽立兮翠幕黝以雲布結崇基之靈址兮啟四塗之廣阼  
沃野墳腴膏壤平砥清洛濁渠引流激水遐阡繩直邇陌如  
矢總牾服于縹軛兮紺轅綴於黛耜儼儲駕於屋左兮俟萬  
乘之躬履百僚先置位以職分自上下下具惟命臣襲春服  
之萋萋兮接游車之麟麟微風生於輕幘兮織埃起於朱輪  
森奉璋以階列兮望皇軒而肅震若湛露之晞朝陽兮衆星  
之拱北辰也於是前驅魚麗屬車鱗萃閭闔洞啟參塗方駟  
常伯陪乘太僕秉轡后妃獻種種之種司農撰播殖之器擊  
壺掌升降之節宮正設門閭之蹕天子乃御玉輦陰華蓋衝  
牙錚鎗綃紉綵練金根照耀以炯晃兮龍驤騰驤而沛艾表

朱玄於離坎飛青縞於震兌中黃擘以發暉兮方綵紛其繁  
會五輅鳴鑿九旗揚旆瓊鉞入藻雲罕晡藹藹管啾啾以啾  
嘈兮鼓鞀破隱以砰礚筍虞疑以軒翥兮洪鐘越乎區外震  
震填填塵鷲連天以幸乎籍田蟬冕頰以灼灼兮碧色肅其  
芊芊似夜光之剖荆璞兮若茂松之依山巔也於是我皇乃  
降靈壇撫御耦游場染履洪縻在手三推而舍庶人終畝貴  
賤以班或五或九于斯時也居靡都鄙民無華裔長幼雜選  
以交集士女頌斌而咸戾被褐振裾垂髻總髻躡踵側肩倚  
裳連袂黃塵爲之四合兮陽光爲之潛翳動容發音而觀者  
莫不抃舞乎康衢謳吟乎聖世情欣樂乎昏作兮慮盡力乎  
樹藝靡推督而常勤兮莫之課而自勵躬先勞以悅使兮豈

嚴刑而猛制哉。有邑老田父。或進而稱曰。蓋損益隨時。理有常然。高以下爲基。民以食爲天。正其末者。端其本。善其後者。慎其先。夫九土之宜。弗任四人之務。不一野有菜蔬之色。朝靡代耕之秩。無儲積以虞災。徒望歲以自畢。二季之衰。皆此物也。今聖上昧且不顯。夕惕若慄。圖置於豐。防儉於逸。欽哉。欽哉。惟穀之恤。展三時之弘務。致倉廩於盈溢。固堯湯之用。心而存救之要術也。若乃廟祧有事。祝宗諏日。簠簋普淖。則此之自實。縮鬯蕭茅。又於是乎。出黍稷馨香。旨酒嘉粟。宜其民和年登。而神降之吉也。古人有言曰。聖人之德。無以加於孝乎。夫孝者。天地之性。人之所由靈也。昔者明王以孝理天下。其或繼之者。鮮哉。希矣。逮我皇晉。實光斯道。儀刑乎千萬國。愛敬盡於祖考。故躬稼以供粢盛。所以致孝也。勸穡以足百姓。所以固本也。能本而孝。盛德大業至矣哉。此一役也。而二美具焉。不亦遠乎。不亦重乎。敢作頌曰。思樂旬畿。薄採其茅。大君戾止。言籍其農。三推萬方。以祇耨我公田。實及我私。我簠斯盛。我簋斯齊。我倉如陵。我廩如坻。念茲在茲。不言孝思。民力普存。祝史正辭。神祇攸歆。逸豫無期。一人有慶。兆民賴之。

子虛賦

司馬相如

楚使子虛使於齊。齊王悉發車騎與使者出畋。畋罷。子虛過。詫烏有先生。亡是公存焉。坐定。烏有先生問曰。今日畋樂乎。子虛曰。樂獲多乎。曰。少。然則何樂。對曰。僕樂齊王之欲誇僕。

以車騎之衆而僕對以雲夢之事也。曰：可得聞乎？子虛曰：可。王駕車千乘，選徒萬騎，畋於海濱，列卒滿澤，罟網彌山，掩兔麟鹿，射麋脚麟，鷲於鹽浦，割鮮染輪，射中獲多，矜而自功，顧謂僕曰：楚亦有平原廣澤，遊獵之地，饒樂若此者乎？楚王之獵，孰與寡人乎？僕下車對曰：臣，楚國之鄙人也，幸得宿衛，十有餘年，時從出遊，遊於後園，覽於有無，然猶未能徧觀也。又焉足以言其外澤乎？齊王曰：雖然，略以子之所聞見而言之。僕對曰：唯唯。臣聞楚有七澤，嘗見其一，未覩其餘也。臣之所見，蓋特其小小者耳。名曰雲夢，雲夢者，方九百里，其中有山焉。其山則盤紆弗鬱，隆崇畢萃，岑峯參差，日月蔽虧，交錯糾紛，上干青雲，罷池陂陀，下屬江河。其土則丹青赭堊，雌黃白

垺，錫碧金銀，衆色炫燿，照爛龍鱗。其石則赤玉玫瑰，琳瑯昆吾，城功玄厲，礪石砥砭。其東則有蕙圃，衡蘭芷若，芎藭菖蒲，沆離蘼蕪，諸柘巴苴。其南則有平原廣澤，登降陁靡，案衍壇曼，緣以大江，限以巫山。其高燥則生葳蕤苞荔，薛莎青蘋，其埤濕則生藏蓂兼葭，東籬雕胡，蓮藕菰蘆，菴闥軒于，衆物居之，不可勝圖。其西則有涌泉清池，激水推移，外發芙蓉菱華，內隱鉅石白沙。其中則有神龜蛟鼉，瑇瑁鼈鼉。其北則有陰林巨樹，梗柎豫樟，桂椒木蘭，檠離朱楊，檀梨栲栗，橘柚芬芳。其上則有鸚鵡孔鸞，騰遠射干。其下則有白虎玄豹，蝮蛇狸狌。於是乎乃使專諸之倫，手格此獸。楚王乃駕馴駘之駟，乘雕玉之輿，靡魚鬣之橈，旃曳明月之珠旗，建干將之雄戟，左

烏號之雕弓。右夏服之勁箭。陽子驂乘。娥阿爲御。案節未舒。卽陵狡獸。楚蚤蚤。駘距虛軼。野馬轉駒。駢乘遺風。射游騏。脩  
眸倚冽。雷動衆至。星流霆擊。弓不虛發。中必決眦。洞胷逢掖。  
絕乎心繫。獲若雨獸。揜草蔽地。於是楚王乃弭節徘徊。翺翔  
容與。覽乎陰林。觀壯士之暴怒。與猛獸之恐懼。微執受詘。殫  
覩厥物之變態。於是鄭女曼姬。被阿緡。揜紵。縞羅垂霧。  
穀縠積褰。縐紵徐委曲。鬱撓路谷。粉粉裊裊。揚袍戍削。蜚翟  
垂髻。扶輿猗靡。翕呷萃蔡。下摩蘭蕙。上拂羽蓋。錯翡翠之歲  
蕤。繆繞玉綬。眇眇忽忽。若神仙之髣髴。於是乃相與獠於蕙  
圃。嬖姍勃窣。而上乎金隄。揜翡翠。射駿驥。微增出纖。繳施弋  
白鴿。連駕鷲。雙鶴下。玄鶴加。怠而後發。游於清池。浮文鷁。揚

旌。棧張翠帷。建羽蓋。網瑇瑁。鈎紫貝。攄金鼓。吹鳴籟。榜人歌  
聲流喝。水蟲駭波。鴻沸涌泉。起奔物會。礪石相擊。硠硠磔磔。  
若雷霆之聲聞乎數百里之外。將息獠者。擊靈鼓。起烽燧。車  
案行。騎就隊。纏乎淫淫。般乎裔裔。於是楚王乃登雲陽之臺。  
泊乎無爲。淡乎自持。勺藥之和。具而後御之。不若大王終日  
馳騁。曾不下輿。尉割輪焯。自以爲娛。臣竊觀之。齊殆不如。於  
是齊王無以應僕也。烏有先生曰。是何言之過也。足下不遠  
千里來。謁齊國王。悉發境內之士。備車騎之衆。與使者出畝。  
乃欲戮力致獲。以娛左右。何名爲夸哉。問楚地之有無者。願  
聞大國之風烈。先生之餘論也。今足下不稱楚王之德厚。而  
盛推雲夢以爲高。奢言淫樂而顯侈靡。竊爲足下不取也。必



若所言固非楚國之美也。有而言之，是彰君之惡，無而言之，是害足下之信。彰君之惡而傷私義，二者無一可而先生行之。必且輕於齊而累於楚矣。且齊東渚鉅海，南有琅邪，觀乎成山，射乎之罘，浮渤海，游孟諸，邪與肅慎為鄰，右以陽谷為界，秋田乎青丘，徬徨乎海外，吞若雲夢者八九，於其曾中，曾不帶芥，若乃傲儻瑰瑋，異方殊類，珍恠鳥獸，萬端鱗鱗，充牣其中，不可勝記。禹不能名，禹不能計，然在諸侯之位，不敢言遊戲之樂，苑囿之大。先生又見客是以王辭不復，何為無以應哉。

上林賦

司馬相如

亡。是公听然而笑曰：楚則失矣，而齊亦未為得也。夫使諸侯納貢者，非為財幣，所以述職也。封疆畫界者，非為守禦，所以禁淫也。今齊列為東藩，而外私肅慎，捐國踰限，越海而田，其於義固未可也。且夫二君之論，不務明君臣之義，正諸侯之禮，徒事爭遊戲之樂，苑囿之大，欲以奢侈相勝，荒淫相越，此不可以揚名發譽，而適足以貶君自損也。且夫齊楚之事，又焉足道乎？君未覩夫巨麗也，獨不聞天子之上林乎？左蒼梧，右西極，丹水更其南，紫淵徑其北，終始灞澹，出入涇渭，豐鎬灤，滸紆餘委蛇，經營乎其內，蕩蕩乎八川分流，相背而異態，東西南北，馳騫往來，出乎椒丘之闕，行乎洲淤之浦，經乎桂林之中，過乎泱泱之壑，汨乎混流，順阿而下，赴隘陔之口，觸穿石激堆埼，沸乎暴怒，洶湧澎湃，湔沸沓汨，偪側泌瀨，橫流

逆折轉騰激冽滂漉沆漑穿隆雲撓宛渾膠盤踰波趨汜漑  
漑下瀨批巖衝擁奔揚滯沛臨坻注壑灑瀉賈陸沈沈隱隱  
砰磅訇磕潏潏淪淪潏潏鼎沸馳波跳沫汨漑漂疾悠遠長  
懷寂寥無聲肆乎永歸然後灑灑潢漾安翔徐回膏乎瀉瀉  
東注太湖衍溢陂池於是乎蛟龍赤螭鮪鱠漸離鯢鱖鮫魚  
禺禺魼鯁捷鯨掉尾振鱗奮翼潛處乎浚巖魚鼈謹聲萬物  
衆夥明珠子的礫江靡蜀石黃磬水玉磊砢磷磷爛爛彩  
色滢汗叢積乎其中鴻鸛鵠鵠駕鶩屬玉交精旋日頰鴛庸  
渠歲疵鳩盧羣浮乎其上沈淫泛濫隨風澹淡與波搖蕩掩  
薄水渚喑啞菁藻咀嚼菱藕於是乎崇山矗矗龍從崔巍深  
林巨木嶄巖參差九巖巖薛南山峩峩巖陲旣錡摧峯崛崎

振溪通谷塞產溝瀆唅呀豁閉阜陵別隄歲魄嶮嶮丘虛堀  
鼻隱鱗鬱嶮登降陲靡陂池狎豸沈溶淫鬻散渙夷陸亭阜  
千里靡不被築揄以綠蕙被以江薜糝以薜蕪雜以雷夷布  
結縷攢戾莎揭車蘅蘭橐本射干此薑蕞荷歲搔若蓀鮮支  
黃礫蔣芋青蘋布濩閔澤延曼太原離靡廣衍應風披靡吐  
芳揚烈郁郁菲菲衆香發越盼蠻布寫瞻夢必菲於是乎周  
覽泛觀縝紛軋芴芒芒恍忽視之無端察之無涯日出東沼  
入乎西陂其南則隆冬生長涌水躍波其獸則獮旄貍羆沈  
牛麀麋赤首圓題窮奇象犀其北則盛夏含凍裂地涉水揭  
河其獸則麒麟角端駟駮橐駝蛩蛩驪駃騠驢羸於是乎  
離宮別館彌山跨谷高廊四注重坐曲閣華榭璧璫輦道纒

屬步欄周流。長途中宿。夷巖築堂。累臺增成。巖窈洞房。俯杳  
眇而無見。仰攀榛而捫天。奔星更於闐闐。宛虹地於楯軒。青  
龍蚴蟉於東廂。象輿婉僊於西清。靈囿燕於閒館。偃佺之倫  
暴於南榮。醴泉涌於清室。通川過於中庭。盤石振崖。嶽巖倚  
傾。嵯峨嶮嶮。刻削崢嶸。玫瑰碧琳。珊瑚叢生。璿玉旁唐。玢幽  
文鱗。赤瑕駁犖。雜甫其間。晁采琬琰。和氏出焉。於是乎盧橘  
夏熟。黃甘橙棣。枇杷撚柿。棣李厚朴。棗楊梅櫻桃。蒲萄隱  
夫。莫棣。峇。暹。離支。羅乎後宮。列於北園。鮑丘陵。下平原。揚翠  
葉。抗紫莖。發紅華。垂朱榮。煌煌扈扈。照曜鉅野。沙棠檉檉。華  
楓。枰櫨。雷落胥邪。仁頻。楸閭。欒檀。木蘭。豫章。女貞。長千仞。大  
連。抱夸。條直。暢實。葉復。楸攢立。叢倚。連卷。櫨危。崔錯。發飢。坑

衡開。何垂條。扶疎落英。幡纒紛溶。削蔘。猗狎從風。瀏莅卉欽。  
蓋象金石之聲。管籥之音。傑池比虎。旋還乎後宮。雜襲絛緝。  
被山緣谷。循坂下隰。視之無端。究之無窮。於是乎玄猿素雌。  
雌攫飛蠅。蛭蜎蠖。猱獠胡。毅蛭棲息乎其間。長嘯哀鳴。翻幡  
互經。天矯枝格。偃蹇杪顛。踰絕梁。騰殊榛。捷垂條。掉希間。牢  
落陸離。爛熳遠遷。若此者。數百千處。娛游往來。宮宿館舍。庖  
廚不徙。後宮不移。百官備具。於是乎背秋。涉冬。天子校獵。乘  
鏤象。六玉虬。拖蜺旌。靡雲旗。前皮軒。後道游。孫叔奉轡。衛公  
參乘。扈從橫行。出乎四技之中。鼓嚴鑼。縱獠者。江河爲陸。秦  
山爲櫓。車騎雷起。殷天動地。先後陸離。離散別追。淫淫裔裔。  
緣陵流澤。雲布雨施。生貔豹。搏豺狼。手熊羆。足蹙豸。蒙鷁蘇

綉白虎被斑文跨野馬凌三峻之危下磧歷之坻徑峻赴險  
越壑厲水椎飛廉弄獬豸格蝦蛤鉞猛氏霜駮裹射封豕箭  
不苟害解脰陷腦弓不虛發應聲而倒於是乎乘輿弭節徘徊  
翱翔往來睨部曲之進退覽將帥之變態然後浸淫促節  
儵負遠去流離輕禽蹙履狡獸羸白鹿捷狡兔軼赤電遺光  
耀追怪物出宇宙鬱蕃弱滿白羽射游梟飛遠擇肉而後  
發先中而命處弦矢分藝殪仆然後揚節而上浮凌驚風歷  
駭焱乘虛無與神俱躡玄鶴亂昆鷄遁孔鸞促鷄鷄拂翳鳥  
捎鳳凰捷鷓鴣拚焦朋道盡途殫迴車而還招搖乎儀佯降  
集乎北紘率平直指晡乎反鄉歷石關歷封巒過鳩鵲望露  
寒下棠黎息宜春西馳宜曲濯鷓牛首登龍臺掩細柳觀土

大夫之勤略釣獵者之所得獲徒車之所輔轍步騎之所蹂  
若人臣之所蹈籍與其窮極倦虯驚憚讐伏不被創刃而死  
者他他藉藉填坑滿谷掩平彌澤於是乎游戲懈怠置酒乎  
顛天之臺張樂乎膠葛之寓撞千石之鐘立萬石之虞建翠  
華之旗樹靈鼉之鼓奏陶唐氏之舞聽葛天氏之歌千人倡  
萬人和山陵爲之震動川谷爲之蕩波巴渝宋蔡淮南于遮  
文成顛歌族居遞奏金鼓迭起鏗鎗闐鞀洞心駭耳荆吳鄭  
衛之聲韶濩武象之樂陰淫案衍之音鄙郢纘紛激楚結風  
俳優侏儒狄鞮之倡所以娛耳目樂心意者麗靡爛熳於前  
靡曼美色於後若夫青琴宓妃之徒絕殊離俗妖冶嫺都靚  
粧刻飾便嬛綽約柔撓嫋嫋嫵媚纖弱曳獨繭之褸被眇閭

易以卹削便姍。孽屑與俗殊。服芬芳。濕鬱酷烈。淑郁皓齒。粲爛宜笑的。鱗長眉連娟。微睇綿藐。色授龜與。心愉於側。於是酒中樂酣。天子芒然而思。似若有亡。曰嗟乎。此太奢侈。朕以覽聽餘間。無事棄日。順天道以殺伐。時休息於此。恐後葉靡麗。遂往而不返。非所以爲繼嗣創業垂統也。於是乎乃解酒罷獵。而有司曰。地可墾闢。悉爲農郊。以贍萌隸。頽牆填塹。使山澤之人得至焉。實陂池而勿禁。虛宮館而勿物。發倉廩以救貧窮。補不足。恤鰥寡。存孤獨。出德號。省刑罰。改制度。易服色。革正朔。與天下爲更始。於是歷吉日。以齋戒。襲朝服。乘法駕。建華旗。鳴玉鑿。游乎六藝之圃。馳騫乎仁義之塗。覽觀春秋之林。射狸首。兼騶虞。弋玄鶴。舞干戚。載雲罕。揜羣雅。悲

伐檀。樂樂。習修容乎禮園。翱翔乎書圃。述易道。放恠獸。登明堂。坐清廟。次羣臣。奏得失。四海之內。靡不受獲。於斯之時。天下大說。向風而聽。隨流而化。焯然興道。而遷義。刑錯而不用。德隆於三王。而功羨於五帝。若此。故獵乃可喜也。若夫終日馳騁。勞神苦形。罷車馬之用。抗士卒之精。費府庫之財。而無德厚之恩。務在獨樂。不顧衆庶。忘國家之政。貪雉兔之獲。則仁者不繇也。從此觀之。齊楚之事。豈不哀哉。地方不過千里。而囿居九百。是草木不得墾闢。而民無所食也。夫以諸侯之細。而樂萬乘之侈。僕恐百姓被其尤也。於是二子愀然改容。超若自失。逡巡避席。曰鄙人固陋。不知忌諱。乃今日見教。謹受命矣。

羽獵賦并序

楊雄

孝成帝時羽獵雄從以爲昔在二帝三王宮館臺榭沼池苑囿林麓藪澤財足以奉郊廟御賓客充庖廚而已不奪百姓膏腴國土桑柘之地女有餘布男有餘粟國家殷富上下交足故甘露零其庭醴泉流其唐鳳凰巢其樹黃龍游其沼麒麟臻其囿神爵棲其林昔者禹任益虞而上下和草木茂成湯好田而天下用足文王囿百里民以爲尚小齊宣王囿四十里民以爲泰大裕民之與奪民也武帝廣開上林東南至宜春鼎湖御宿昆吾旁南山西至長楊五柞北繞黃山濱渭而東周袤數百里穿昆明池象滇河營建章鳳闕神明駁娑漸臺太液象海水周流方丈瀛洲蓬萊遊觀侈靡窮妙極麗

雖頗割其三垂以贍齊民然至羽獵甲車戎馬器械儲待禁禦所營尚泰奢麗誇詡非堯舜成湯文王三驅之意也又恐後世復修前好不折中以泉臺故聊因按獵賦以風之其辭曰或稱羲農豈或帝王之彌文哉論者云否各亦並時而得宜奚必同條而共貫則泰山之封焉得七十而有儀是以創業垂統者俱不見其爽遐邇五三孰知其是非遂作頌曰麗哉神聖處於玄宮富既與地乎侔皆貴止與天乎比崇齊桓曾不足使扶藪楚嚴未足以爲驂乘狹三王之阨僻矯高舉而大興歷五帝之寥廓涉三皇之登闕建道德以爲師友仁義與之爲朋於是玄冬季月天地隆烈萬物權輿於內殞落於外帝將惟田于靈之囿開北垠受不周之制以終始巖

項玄冥之統乃詔虞人典澤東延昆鄰西馳閭闔儲積共待  
戍卒夾道斬叢棘夷野草禦自汧渭經營鄠鎬章皇周流出  
入日月天與地杳爾乃虎路三變以爲司馬圍經百里而爲  
殿門外則正南極海邪界虞淵鴻濛沈茫碣以崇山營合圍  
會然後先置乎白楊之南昆明靈沼之東賁育之倫蒙盾負  
羽杖鎬鄒而羅者以萬計其餘荷垂天之畢張竟墜之罟靡  
日月之朱竿曳彗星之飛旗青雲爲紛虹蜺爲縵屬乎崑崙  
之墟渙若天星之羅浩如濤水之波淫淫與與前後要遮攬  
槍爲闐明月爲候焚惑司命天弧發射鮮扁陸離駢衍似路  
徽車輕武鴻網捷獵殷殷軫軫被陵緣坂窮負極遠者相與  
列乎高原之上羽騎營營分殊事續紛往來輻輳不絕若

光若滅者布乎青林之下於是天子乃以陽晷始出乎玄宮  
撞鴻鐘建九旒六白虎載靈輿蚩尤竝轂蒙公先驅立歷天  
之旗曳捎星之旃霹靂烈缺吐火施鞭萃從沆溶淋漓廓落  
戲八鎮而開關飛廉雲師吸鼻瀟率鱗羅布列攢以龍翰啾  
啾踰躡入西園切神光望平樂徑竹林蹂蕙圃踐蘭唐舉烽  
烈火響者施技方馳千駟狡騎萬帥虓虎之陳從橫膠轕焮  
拉雷厲驥駢駘澹洶洶旭旭天動地岌羨漫半散蕭條數千  
里之外若夫壯士忼慨殊鄉別趣東西南北騁嗜奔欲地蒼  
豨跋犀犖蹶浮麋斲巨狴搏玄猿騰空虛距連卷踔天躡嬉  
間間莫莫紛紛山谷爲之風森林叢爲之生塵及至獲夷之  
徒蹶松栢掌疾藜獵蒙籠麟輕飛履般首帶脩虵鉤赤豹牽

象犀趾繼阮超唐坡車騎雲會登降聞藹泰華爲旒熊耳爲  
綴木仆山還漫若天外儲與乎大浦聊浪乎宇內於是天清  
日晏逢蒙列昔羿氏控弦皇車幽暢光純天地望舒彌轡翼  
乎徐至於上蘭移圍徙陣浸淫楚部曲隊堅重各案行伍壁  
壘天旋神扶電擊逢之則碎近之則破鳥不及飛獸不得過  
軍驚師駭刮野掃地及至罕車飛揚武騎聿皇蹈飛豹羅噪  
陽追天寶出一方應駟聲擊流光野盡山窮囊括其雌雄沈  
沈溶溶遙喙乎紘中三軍茫然窮穴闕與曾觀夫剽禽之繼  
踰犀兕之抵觸熊羆之拏獲虎豹之凌遽徒角槍題注賊竦  
驚怖龜亡鬼失觸輻關脰安發期中進退履獲創淫輪夷丘  
累陵聚於是禽殫中衰相與集於靖寔之館以臨珍池灌以

岐梁溢以江河東瞰日盡西暢亡涯隨珠和氏焯爍其陂玉  
石巒崑眩耀青熒漢女水潛恠物暗冥不可殫形玄鸞孔雀  
翡翠垂榮王睢關關鴻鴈嚶嚶羣嬉乎其中噍噍昆鳴鳧鷖  
振鷺上下砰磔聲若雷霆乃使文身之伎水格鱗蟲凌堅冰  
犯嚴淵探巖排碕薄索蛟螭蹈獷獺據鼃鼉祛靈蠃入洞穴  
出蒼梧乘鉅鱗騎鯨魚浮彭蠡日有虞方椎夜光之流離剖  
明月之胎珠鞭洛水之宓妃餉屈原與彭胥於茲乎鴻生鉅  
儒俄軒冕雜衣裳修唐典匡雅頌揖讓於前昭光振耀響忽  
如神仁聲惠於北狄武誼動於南鄰是以旃裘之王胡貉之  
長移珍來享抗手稱臣前入圍口後陳廬山羣公常伯揚朱  
墨翟之徒喟然並稱曰崇哉乎德雖有唐虞大夏成周之隆



何以侈茲夫古之觀東嶽禪梁基舍此世也其誰與哉上猶謙讓而未俞也方將上獵三靈之流下決醴泉之滋發黃龍之穴窺鳳凰之巢臨麒麟之囿幸神雀之林奢雲夢侈孟諸非章華是靈臺罕徂離宮而輟觀遊土事不飾木功不雕蒸人乎農桑勸之以弗怠儕男女使莫違恐貧窮者不徧被洋溢之饒開禁苑散公儲創道德之囿弘仁惠之虞馳弋乎神明之囿覽觀乎羣臣之有亡放雉兔收罾罟麋鹿芻蕘與百姓共之蓋所以臻茲也於是醇洪鬯之德豐茂世之規加勞三皇勗勤五帝不亦至乎乃祗莊雍穆之徒立君臣之節崇賢聖之業未遑苑囿之麗遊獵之靡也因迴軫還衡背阿房反未央

長楊賦 并序

揚雄

明年上將大誇胡人以多禽獸秋命右扶風發民入南山西自褒斜東至弘農南歐漢中張羅網罟罾捕熊羆豪豬虎豹狖獾狐兔麋鹿載以檻車輸長楊射熊館以網爲周陸縱禽獸其中令胡人手搏之自取其獲上親臨觀焉是時農民不得收斂雄從至射熊館還上長楊賦聊因筆墨之成文章故藉翰林以爲主人子墨爲客卿以諷其辭曰

子墨客卿問於翰林主人曰蓋聞聖主之養民也仁霑而恩洽動不爲身今年獵長楊先命右扶風左太華而右褒斜採嶽嶺而爲弋紆南山以爲罝羅千乘於林莽列萬騎於山隅帥軍辟陸錫戎獲胡搯熊羆拖豪豬木擁槍纍以爲儲胥此

天下之窮覽極觀也。雖然亦頗擾于農人三旬有餘。其塵至矣。而功不圖。恐不識者外之。則以爲娛樂之游。內之則不以爲乾豆之事。豈爲民乎哉。且人君以玄默爲神。澹泊爲德。今樂遠出。以露威靈。數搖動。以疲車甲。本非人主之急務。蒙竊惑焉。翰林主人曰。吁。客何謂茲邪。若客所謂。知其一。未覩其二。見其外。不識其內也。僕嘗倦談。不能一一其詳。請略舉其凡。而客自覽其切焉。客曰。唯唯。主人曰。昔有彊秦封豕其土。窳窳其民。鑿齒之徒。相與磨牙而爭之。豪俊麤沸。雲擾羣黎。爲之不安。於是上帝眷顧高祖。高祖奉命。順斗極。運天關。橫巨海。漂崑崙。提劍而叱之。所過靡城。擄邑。下將降旗。一日之戰。不可殫記。當此之勤。頭蓬不暇梳。饑不及餐。鞮生蟻。蟲

介冑被霜。汗以爲萬姓。請命乎皇天。乃展民之所屈。振民之所乏。規億載。恢帝業。七年之間。而天下密如也。逮至聖文。隨風乘流。方垂意於至寧。躬服節儉。緋衣不弊。革鞜不穿。大廈不居。木器無文。於是後宮賤瑋珉。而疏珠璣。却翡翠之飾。除雕琢之巧。惡麗靡。而不近斥芬芳。而不御抑止。絲竹宴衍之樂。憎聞鄭衛幼眇之聲。是以玉衡正而太階平也。其後獯鬻作虐。東夷橫叛。羌戎睚眦。閩越相亂。遐氓爲之不安。中國蒙被其難。於是聖武勃怒。爰整其旅。乃命驃衛。紛紜沸滑。雲合電發。焱騰波流。機駭蠡軼。疾如奔星。擊如震霆。碎輜輶。破穹廬。腦沙幕。髓余吾。遂躡乎玉庭。驅橐駝。燒燉蠡。分勢畢于磔裂。屬國夷阮。谷拔鹵莽。刊山石。蹂屍輿。厮係累老弱。吮劍癢

耆金鏃淫吏者數十萬人皆稽顙樹頌扶服蛾伏二十餘年矣尚不敢惕息夫天兵四臨幽都先加迴戈邪指南越相夷靡節西征羌燹東馳是以遐方疏俗殊鄰絕黨之域自上仁所不化茂德所不綏莫不躡足抗首請獻厥珍使海內澹然永亡邊城之災金革之患今朝延純仁遵道顯義并包書林聖風雲靡英華沈浮洋溢八區普天所覆莫不沾濡士有不談王道者則樵夫笑之意者以爲事罔隆而不殺物靡盛而不虧故平不肆險安不忘危乃時以有年出兵整輿竦戎振師五柞習馬長楊簡力狡獸投武票禽乃萃然登南山瞰烏弋西厭月躡東震日域又恐後代迷於一時之事常以此爲國家之大務淫荒田獵陵夷而不禦也是以車不安軻日未

靡旃從者彷彿虬屬而還亦所以奉太尊之列遵文武之度復三王之田反五帝之虞使農不輟耰工不下機婚姻以時男女莫違出愷悌行簡易矜劬勞休力役見百年存孤弱帥與之同苦樂然後陳鐘鼓之樂鳴鞀磬之和建碣磬之虞夏擊鳴球掉八列之舞酌允鑠肴樂晉聽廟中之雍雍受神人之福祐歌投頌吹合雅其勤若此故真神之所勞也方將俟元符以禪梁父之基增泰山之高延光于將來比榮乎往號豈徒欲淫覽浮觀馳騁秣稻之地周流梨栗之林蹂踐芻蕘誇詡衆庶盛狃獲之收多麋鹿之獲哉且盲者不見咫尺而離婁燭千里之隅客徒愛胡人之獲我會賦曾不知我亦已獲其王侯言未卒墨客降席再拜稽首曰大哉體乎允非小

人之所能及也。乃今日發矇廓然已昭矣。

射雉賦 并序

潘岳

余徙家于瓊邪。其俗實善射。聊以講肄之餘暇。而習媒翳之事。遂樂而賦之也。

涉青林以游覽。兮樂羽族之羣飛。聿采毛之英麗。兮有五色之名翟。厲耿介之專心。兮多雄豔之姱姿。巡丘陵以經畧。兮畫墳衍而分畿。於是青陽告謝。朱明肇投。靡木不滋。無草不茂。初葦蔚其曜。新陳柯楫以改舊。天泱泱以垂雲。泉涓涓而吐。漚麥漸漸以擢。芒雉鷺鷥而朝。雉眇箱籠以揭。瞻曉媒之變態。奮勁散以角。差。麟悍目以旁睇。鶯綺翼而赫。搥灼繡頸而袞背。鬱軒翥以餘怒。思長鳴以效能。爾乃凜場拄翳。停

僮蔥翠。綠柏參差。文翻鱗次。蕭森繁茂。宛轉輕利。衷料戾以徹。鑿表厭躡。以密緻。恐吾游之晏起。慮原禽之罕至。甘疲心於企想。分倦目以寓視。何調翰之喬桀。邈疇類而殊才。候扇舉而清叫。野聞聲而應媒。寒微罟以長眺。已踉蹌而徐來。攜朱冠之葩赫。敷藻翰之陪鯁。首葯綠素。身拖黼繪。青鞞莎靡。丹臆蘭絳。或蹶或啄。時行時止。斑尾揚翹。雙角特起。良遊呃啞。引之規裏。應叱愕立。擢身竦峙。捧黃間以密鼓。屬剛挂以潛機。倒禽紛以迸落。機聲振而未已。山鷲悍害。姦迅已甚。越壑凌岑。飛鳴薄廩。鯨牙低鋏。心平望審。毛體摧落。霍若碎錦。逸羣之雉。擅場挾兩櫟。雌妬異倏來。忽往忌上風之餐。切畏映日之儻。朗屏發布。而累息徒心煩。而伎憊伊義。鳥之應敵。

嗽攫地以厲響彼聆音而逕進忽交距以接壤形盈窻以美  
發紛首頽而臆仰或乃崇墳夷靡農不易龍穉菽叢糝翳蒼  
羣茸鳴雄振羽依於其冢捫降丘以馳敵雖形隱而草動瞻  
挺穉之傾掉意洽躍以振踊噉出苗以入場愈情駭而神悚  
望鷹合而翳鳥雉腴肩而旋踵飲余志之精銳擬青巖而點  
項亦有目不步體邪眺旁剔靡聞而驚無見自鷺周環迴復  
繚繞盤辟戾翳旋把繁隨所歷彳亍中輟馥焉中鏑前則重  
膺傍截疊翻若夫多疑少決膽勞心捐內無固守出不交戰  
來若處子去如激電闕閭藹葉慎歷乍見於是算分銖商遠  
邇揆懸刀騁絕伎如轆如軒不高不埤當味值胷裂膝破齧  
夷險殊地馴麤異變曷不暇食夕不告勅昔賈氏之如臯始  
操或虧此則老氏之所誠而君子之所不爲

北征賦

班彪

余遭世之顛覆兮罹填塞之厄災舊室滅以丘墟兮曾不得  
乎少留遂奮袂以北征兮超絕迹而遠遊朝發軔於長都兮  
夕宿瓠谷之玄宮歷雲門而反顧望通天之崇崇乘陵岡以  
登降息郇邠之邑鄉慕公劉之遺德及行葦之不傷彼何生  
之優渥我獨離此百殃故時會之變化兮非天命之靡常登

赤須之長坂入義渠之舊城忿戎王之淫狡穢宣后之失貞  
嘉秦昭之討賊赫斯怒以北征紛吾去此舊都兮駢遲遲以  
歷茲遂舒節以遠逝指安定以爲期涉長路之縣縣兮遠紆  
回以穆流過泥陽而大息悲祖廟之不修釋余馬於彭陽兮  
且弭節而自思日晡晡其將暮兮覩牛羊之下來寤怨曠之  
傷情兮哀詩人之歎時越安定以容與兮遵長城之漫漫劇  
蒙公之疲民兮爲疆秦乎築怨捨高亥之切憂兮事蠻狄之  
遼患不耀德以綏遠兮顧厚固而繕藩首身分而不寤兮猶  
數功而辭警何夫子之妄說兮孰云地脈而生殘登障隧而  
遙望兮聊須臾以婆娑閱獯鬻之猾夏兮弔尉中於朝那從  
聖文之克讓兮不勞師而幣加惠父兄於南越兮黜帝號於

尉佗降几杖於藩國兮折吳淠之逆邪惟太宗之蕩蕩兮豈  
曩秦之所圖濟高平而周覽兮望山谷之嗟哦野蕭條以莽  
蕩迥千里而無家風焱發以飄飄兮谷水灌以揚波飛雲霧  
之杳杳涉積雪之皚皚鴈邕邕以羣翔兮鷓雞鳴以嘒嘒遊  
子悲其故鄉兮心愴恨以傷懷撫長劍以慨息兮泣連落而  
霑衣攬余涕以於邑兮哀生民之多故夫何陰曠之不陽兮  
嗟久失其平度諒時運之所爲兮永伊鬱其誰愬亂曰夫子  
固窮遊藝文兮樂以忘憂惟聖賢兮達人從事有儀則兮行  
止屈申與時息兮君子履信無不居兮雖之蠻貊何憂懼兮

東征賦

曹昭

惟永初之有七兮余隨子兮東征時孟春之吉日兮撰良辰

而將行乃舉趾而升輿兮夕予宿乎偃師遂去故而就新兮  
志愴悵而懷悲明發曙而不寐兮心遲遲而有違酌樽酒以  
馳念兮喟抑情而自非諒不登巢而琢蠶兮得不陳力而相  
追且從歟而就列兮聽天命之所歸遵通衢之大道兮求捷  
徑欲從誰乃遂往而徂逝兮聊遊目而遨蒐歷七邑而觀覽  
兮道鞏縣之多艱望河洛之交流兮看成臯之旋門既免脫  
於峻嶮兮歷滎陽而過武卷食原武以息足宿陽武之桑間  
涉封丘而踐路慕京師而竊歎小人性之懷土兮自書傳而  
有焉遂進道而少前兮得平丘之北邊入匡郭而追遠兮念  
夫子之厄勤彼衰亂之無道兮乃因畏乎聖人悵容與而久  
駐兮忘日夕而將昏到長垣之境界察農野之居民睹蒲城  
之丘墟兮生荆棘之榛榛惕覺悟而顧問兮想子路之威神  
衛人嘉其勇義兮迄於今而稱云蘧氏在城之東南兮民亦  
尚其丘墳唯令德爲不朽兮身既歿而名存惟經典之所美  
兮貴道德與仁賢吳札稱多君子兮其言信而有徵後衰微  
而遭患兮遂陵遲而不興知性命之在天由力行而近仁勉  
仰高而蹈景盡忠恕而與人好正直而不回兮精誠通於明  
神庶靈祇之鑒照兮祐貞良而輔信亂曰君子之思必成文  
兮蓋各言志慕古人兮先君行止則有作兮雖其不敏敢不  
法兮貴賤貧富不可求兮正身履道以俟時兮修短之運愚  
智同兮靖恭委命唯吉凶兮敬慎無怠思嘽約兮清靜少欲

師公綽兮

西征賦

潘岳

歲次玄枵月旅蕤賓丙丁統日乙未御辰潘子憑軾西征自  
京徂秦迺喟然歎曰古往今來邈矣悠哉寥廓忽恍化一氣  
而甄三才此三才者天地人道唯生與位謂之大寶生有修  
短之命位有通塞之遇鬼神莫之要聖智弗能豫當休明之  
盛世兮託非薄之陋質納旌弓於鉉台讚庶績於帝室嗟鄙  
夫之常累固既得而患失無柳季之直道佐士師而一黜武  
皇忽其升遐八音遏於四海天子寢於諒闇兮百官聽於冢  
宰彼負荷之殊重兮雖伊周其猶始窺七貴於漢庭請一姓  
之或在無危明以安位祗居逼以示專陷亂逆以受戮匪降  
禍之自天孔隨時以行藏遽與國而舒卷苟蔽微以繆章患

過辟之未遠悟山潛之逸士卓長往而不反陋吾人之拘攣  
飄萍浮而蓬轉察位備其隆替名節灌以隳落危素卵之累  
殼甚玄鷲之巢幕心戰懼以兢悚如臨深而履薄夕獲歸於  
都外宵未中而難作匪擇木以棲集豈林焚而鳥存遭千載  
之嘉會皇合德於乾坤弛秋霜之嚴威流春澤之渥恩甄大  
義以明責反初服於私門皇鑒揆余之忠誠俄命余以末班  
牧疲人於西夏攜老幼而入關丘去魯而顧歎季過沛而涕  
零伊故鄉之可懷疚聖達之幽情矧匹夫之安土邈投身於  
鎬京猶犬馬之戀主竊託慕於闕庭眷輦洛而掩涕思纏絲  
於墳塋爾乃越平樂過街郵秣馬臯門稅駕西周遠矣姬德  
興自高辛思文后稷厥初生民率西水滸化流岐幽祚隆昌



發舊邦維新旋牧野而歷茲愈守柔以執競夜申且而不寐  
憂天保之未定惟泰山其猶危祀八百而餘慶鑒亡王之驕  
淫竄南巢以投命坐積薪以待然方指日而比盛人度量之  
乖舛何相越之遼迥考土中于斯邑成建都而營築既定鼎  
于郊廓遂鑽龜而啓繇平失道而來遷繫一國而是祐豈時  
王之無僻賴先哲以長懋望圍北之兩門感號鄭之納惠討  
子頽之樂禍尤闕西之效戾重戮帶以定襄弘大順以霸世  
靈壅川以止鬪晉演義以獻說咨景悼以迄丐政凌遲而彌  
季俾庶朝之構逆歷兩王而干位踰十葉以逮赧邦分崩而  
爲二竟橫噬於虎口輸文武之神器澡孝水而濯纓嘉善名  
而在茲天赤子於新安坎路側而瘞之亭有千秋之號子無

七旬之期雖勉勵於延吳實憊慟乎余慈眄山川以懷古悵  
攬轡於中途虛項氏之肆暴坑降卒之無辜激秦人以歸德  
成劉后之來蘇事洄洑而好還卒宗滅而身屠經澗池而長  
想停余車而不進秦虎狼之疆國趙侵弱之餘燼超人險而  
高會杖命世之英蘭耻東瑟之偏鼓提西缶而接刃辱十城  
之虛壽奄咸陽以取雋出申威於河外何猛氣之咆勃入屈  
節於廉公若四體之無骨處智勇之淵偉方鄙吝之忿憤雖  
改日而易歲無等級以寄言當光武之蒙塵致王誅于赤眉  
異奉辭以伐罪初垂翅于迴谿不尤肯以掩德終奮翼而高  
揮建佐命之元勳振皇綱而更維登峭坂之威夷仰崇嶺之  
嗟峨臯託墳於南陵文違風於北阿蹇哭孟以審敗襄墨絳

而授戈曾隻輪之不反練三帥以濟河值庸主之矜復殆肆  
叔於朝市任好綽其餘裕獨引過以歸已明三敗而不黜卒  
陵晉以雪耻豈虛名之可立良致霸其有以降曲峭而憐號  
託與國於亡虞貪誘賂以賣鄰不及臘而就拘垂棘反於故  
府屈產服于晉輿德不建而民無援仲雍之祀忽諸我徂安  
陽言陟陝鄂行乎漫瀆之口憇乎曹陽之墟美哉邈乎茲土  
之舊也固乃周邵之所分二南之所交麟趾信於關雎騶虞  
應乎鵲巢愍漢氏之剝亂朝流亡以離析卓滔天以大滌劫  
宮廟而遷迹俾萬乘之盛尊降遙思於征役顧請旋於僱汜  
旣獲許而中惕追皇駕而驟戰望玉輅而縱鏑痛百寮之勤  
王咸畢力以致死分身首於鋒刃洞胷腋以流矢有褰裳以

投岸或攘袂以赴水傷桴楫之福小撮舟中之掬指升曲沃  
而惆悵惜兆亂而兄替枝末大而本披都偶國而禍結臧札  
飄其高厲委曹吳而成節何莊武之無耻徒利開而義閉躡  
函谷之重阻看天險之衿帶跡諸侯之勇怯算嬴氏之利害  
或開關以延敵競遁逃以奔竄有隄門而莫啓不窺兵於山  
外連雞互而不棲小國合而成大豈地勢之安危信人事之  
否泰漢六葉而拓畿縣弘農而遠關厭紫極之閑敞甘微行  
以遊盤長傲賓於栢谷妻觀貌而獻餐疇匹婦其已秦胡厥  
夫之謬官昔明王之巡幸固清道而後往懼銜際之或變峻  
徒御以誅賞彼白龍之魚服挂豫且之密網輕帝重于天下  
奚斯漸之可長弔戾園於湖邑諒遭世之巫蠱探隱伏於難

明委讒賊之趙虜。加顯戮於儲貳。絕臙膚而不顧。作歸來之  
悲臺。徒望思其何補。紛吾既邁。此全節。又繼之以盤桓。問休  
牛之故林。感徵名於桃園。發闕鄉而警策。翔黃巷以濟潼。眺  
華岳之陰崖。覲高掌之遺蹤。憶江使之反壁。告亡期於祖龍。  
不語怪以徵異。我聞之於孔公。慍韓馬之大憝。阻關谷以稱  
亂。魏武赫以霆震。奉義辭以伐叛。彼雖奴其焉用。故制勝於  
廟算。殫揚桴以振塵。縑瓦解而冰泮。超遂道而奔狄。甲卒化  
爲京觀。倦狹路之迫隘。軌崎嶇以低仰。蹈秦郊而始闢。豁爽  
塏以宏壯。黃壤千里。沃野彌望。華實紛敷。桑麻條暢。邪界褒  
斜。右濱汧隴。寶雞前鳴。甘泉後涌。面終南而背雲陽。跨平原  
而連嶓冢。九峻巖薛。太一龍從。吐清風之鬱。戾納歸雲之鬱。

翁南有玄灞。素滻湯井溫谷。北有清渭濁涇。蘭池周曲。浸決  
鄭白之渠。漕引淮海之粟。林茂有鄠之竹。山挺藍田之玉。班  
述陸海珍藏。張敘神臯奧區。此西賓所以言於東主。安處所  
以聽於憑虛也。可不謂然乎。勁松彰於歲寒。貞臣見於國危。  
入鄭都而抵掌。義桓友之忠規。竭股肱於昏主。赴塗炭而不  
移。世善職於司徒。緇衣弊而改爲履。犬戎之侵地。疾幽后之  
詭惑。舉僞烽以沮眾。淫嬖褒以縱慝。軍敗戲水之上。身死鄜  
山之北。赫赫宗周。威爲亡國。又有繼於此者。異哉秦始皇之  
爲君也。傾天下以厚葬。自開闢而未聞。匠人勞而弗圖。俾生  
埋以報勤。外離西楚之禍。內受牧豎之焚。語曰。行無禮必自  
及。此非其效歟。乾坤以有親可久。君子以厚德載物。觀夫漢

高之興也。非徒聰明神武。豁達大度而已也。乃實慎終追舊。篤誠款愛。澤靡不漸。恩無不逮。率土且猶弗遺。而況於鄰里乎。而況於卿士乎。于斯時也。乃摹寫舊豐。製造新邑。故社易置。枌榆遷立。街衢如一。庭宇相襲。渾雞犬以亂放。各識家而競入。籍舍怒於鴻門。沛跼踖而來。王范謀害而不許。陰授劍以約。莊擗白刃以萬舞。危冬葉之待霜。履虎尾而不噬。實要伯於子房。樊抗憤以卮酒。咀莖肩以激揚。忽蛇變而龍據。雄霸上而高驤。曾遷怒而橫撞。碎玉斗其何傷。嬰胷組於軹塗。投素車而肉袒。疎飲餞於東都。畏極位之盛滿。金墉鬱其萬雉。峻嶸峭以繩直。戾飲馬之陽橋。踐宜平之清闕。都中雜選戶千人。億萃夷士女。駢田逼側。展名京之初儀。卽新館而蒞

職。勵疲鈍以臨朝。勗自彊而不息。於是孟秋爰謝。聽覽餘日。巡省農功。周行廬室。街里蕭條。邑居散逸。營宇寺署。肆塵管庫。蕞芮於城隅者。百不處一。所謂尚冠。修成。黃棘。宣明。建陽。昌陰。北渙。南平。皆夷漫滌蕩。亡其處而有其名。爾乃階長樂。登未央。汎太液。凌建章。繁駮娑而款駘。盪轡枌詣而轢承光。徘徊桂宮。惆悵柏梁。雉鷓於臺陂。狐兔窟於殿傍。何黍苗之離離。而余思之。亾亾洪鐘。頓於毀廟。乘風廢而弗縣。禁省鞠爲茂草。金狄遷於霸川。懷夫蕭曹魏邴之相。辛李衛霍之將。銜使則蘇屬國。震遠則張博望。教敷而舜倫敘。兵舉而皇威暢。臨危而智勇奮。投命而高節亮。暨乎秬侯之忠。孝淳深陸賈之優游。宴喜長卿淵雲之文。子長政駿之史。趙張三王

之尹京定國釋之之聽理汲長孺之正直鄭當時之推士終  
童山東之英妙賈生洛陽之才子飛翠綵拖鳴玉以出入禁  
門者歟矣或被髮左衽奮迅泥滓或從容傳會望表知裏或  
著勲績而嬰時戮或有大才而無貴仕皆揚清風於上列垂  
令聞而不已想珮聲之遺響若鏗鏘之在耳當音鳳恭顯之  
任勢也乃熏灼四方震耀都鄙而死之日曾不得與夫十餘  
公之徒隸齒名才難不其然乎望漸臺而扼腕泉巨猾而餘  
怒揖不疑於北闕軼擗里於武庫酒池鑿於商辛追覆車而  
不寤曲陽僭於白虎化奢淫而無度命有始而必終孰長生  
而久視武雄畧其焉在近惑文成而溺五利侔造化以制作  
窮山海之奧祕靈若翔於神島奔鯨浪而失水曝鱗骼於漫

沙隕明月以雙墜擢仙掌以承露干雲漢而上至致邛笏其  
奚難惟余欲而是恣縱逸遊於角觝絡甲乙以珠翠忍生民  
之減半勒東岳以虛美超長懷以遐念若循環之無賜較面  
朝之煥炳次後庭之猗靡壯當熊之忠勇深辭輦之明智衛  
鬢髮以光鑒趙輕體之纖麗咸善立而聲流亦寵極而禍侈  
津便門以右轉究吾境之所暨掩細柳而撫劔快孝文之命  
帥周受命以忘身明戎政之果毅距犖蓋於壘和察乘輿之  
尊轡肅天威之臨顏率軍禮以長擅輕棘霸之兒戲重條疾  
之倨貴索杜郵其焉在云孝里之前號悃輟駕而容與哀武  
安以興悼爭伐趙以徇國定廟筭之勝負扞矢言而弗納反  
推怨以歸咎未十里於遷路尋賜劔以刎首嗟主闇而臣嫉

禍於何而不有。窺秦墟於渭城，冀闕緬其堊，盡覓陛殿之餘。基裁岐岷，以隱嶙，想趙使之抱壁，瀏睨楹以抗憤。燕圖窮而荆發，紛絕袖而自引，筑聲厲而高奮，狙潛鈔以脫贖，據天位其若茲，亦狼狽而可愍。簡良人以自輔，謂斯忠而鞅賢，寄苛制於捐灰，矯扶蘇於朔邊。儒林填於坑，筭詩書燬而為煙，國滅亡以斷後，身刑轅以啓先。商法焉得以宿黃，犬何可復牽。野蒲變而成脯，苑鹿化以為馬，假讒逆以天權，鉗奴口而寄坐。兵在頸而顧問，何不早而告我，願黔黎其誰聽，惟請死而獲可。逮子嬰之果決，敢討賊以紓禍，勢土崩而莫振，作降王於路左。蕭收圖以相剽，料險易與眾寡，羽天與而弗取，冠沐猴而縱火。貫三光而洞九泉，會未足以喻其高下也。感市閭

之藪，井歎尸韓之舊處，丞屬號而守闕，人百身以納贖，豈生命之易投，誠惠愛之洽著，許望之以求直，亦余心之所惡。思夫人之政術，實幹時之良具，苟明法以釋憾，不愛才以成務。弘大體以高貴，非所望於蕭傅，造長山而慷慨，偉龍顏之英主。胷中豁其洞開，羣善湊而必舉，存威格乎天區，亡墳掘而莫禦。臨掩坎而累林，步毀垣以延佇，越安陵而無譏，諒惠聲之寂寞。弔袁絲之正義，伏梁劔於東郭，訊景皇於陽丘，奚信諧而矜謹，殞吳嗣於局下，蓋發怒於一博。成七國之稱亂，翻助逆以誅錯，恨過聽而無討，茲沮善而勸惡。昔孝元於渭塗，執奄尹以明貶，褒夫君之善行，廢園邑以崇儉。過延門而責成，忠何幸而為戮，陷社稷之王章，俾幽死而莫鞠。伏淫嬖之

凶忍勦皇統之孕育張舅氏之姦漸貽漢宗以傾覆刺哀主  
於義域僭天爵於高安欲法堯而承禪永終古而不刊瞰康  
園之孤墳悲平后之專繫殃厥父之篡逆蒙漢耻而不雪激  
義誠而引決赴丹爛以明節投宮火而焦糜從灰燼而俱滅  
驚橫橋而旋軫歷敝邑之南垂門磁石而梁木蘭兮構阿房  
之屈奇疏南山以表闕倬樊川以激池役鬼傭其猶否矧人  
力之所爲工徒斲而未息義兵紛以交馳宗祧汗而爲沼豈  
斯宇之獨隳由僞新之九廟誇宗虞而祖黃驅吁嗟而妖臨  
搜佞哀以拜郎誦六藝以飾紆焚詩書而面墻心不則於德  
義雖異術而同亡宗孝宜於樂遊紹衰緒以中興不獲事於  
敬養盡加隆於園陵兆惟奉明邑號千人訊諸故老造自帝

詢隱王母之非命縱聲樂以娛神雖靡率於舊典亦觀過而  
知仁憑高望之陽隈體川陸之污隆開襟乎清暑之館遊目  
乎五柞之宮交渠引漕激湍生風乃有昆明池乎其中其池  
則湯湯汗汗滉漾瀾漫浩如河漢日月麗天出入乎東西且  
似陽谷夕類虞淵昔豫章之名字披玄流而特起儀景星於  
天漢列牛女以雙峙圖萬載而不傾奄摧落於十紀擢百尋  
之層觀今數仞之餘趾振鷺于飛鳧躍鴻漸乘雲頡頏隨流  
澹澹灩灩驚波啜菱芡華蓮爛於綠沼青蕃蔚乎翠湫伊  
茲池之肇穿肄水戰於荒服志勤遠以極武良無要於後福  
而菘蔬芼實水物惟錯乃有贍平原陸在皇代而物土故毀  
之而又復凡厥寮司旣富而教咸帥貧情同整楫權收畧課

獲引繳舉效鰥夫有室愁民以樂徒觀其鼓柷迴綸灑鈎投  
罔垂餌出入挺義來往織經連白鳴根厲響貫鯁尾掣三  
牽兩於是弛青鯤於網鉅解頰鯉於黏徽華魴躍鱗素鱖揚  
鬣雍人縷切鑿刀若飛應刃落俎霍霍霏霏紅鮮紛其初載  
賓旅竦而遲御旣餐服以屬厭泊恬靜以無欲迴小人之腹  
爲君子之慮爾乃端策拂茵彈冠振衣徘徊鄩鎬如渴如飢  
心翹慙以仰止不加敬而自祗豈三聖之敢夢竊十亂之或  
希經始靈臺成之不日惟鄩及鄩仍京其室庶人子來神降  
之吉積德延祚莫貳其一永惟此邦云誰之識越可略聞而  
難臻其極子贏鋤以借父訓秦法而著色耕讓畔以閑田沾  
姬化而生棘蘇張喜而詐騁虞芮愧而訟息由此觀之士無  
常俗而教有定式上之遷下猶鈞之埏埴雖五方雜會風流  
溷淆惰農好利不昏作勞密邇儉狃戎馬生郊而制者必割  
實存操刀人之升降隨政隆替仗信則莫不用情無欲則賞  
之不竊雖智不能理明不能察信此心也庶免夫戾如其禮  
樂以俟來哲

文選卷之二





